

Danmarkimi politiini pisartutut Kalaallit Nunaanni politiit nalunaaruteqartoqarneraniit qisuariarnissap tungaanut piffissamik atorneqartartumik nalunaarsuisalernissaat pillugu Naalakkersuisut danskit inatsisinik atortitsinnermut ministerianut attaveqaqqulugit peqquneqarnissaannik Inatsisartut aalajangiiffigisassaattut siunnersuut.

Inatsisartunut ilaasortaq Justus Hansen, Demokraatit

Akissuteqaat

Ilaqutariinnermut, Naligiissitaanermut, Isumaginninnermut Inatsisinillu atuutsitsinnermut Naalakkersuisoq

Aappassaanneerneqarnera

Naalakkersuisut sinnerlugit Ilaqutariinnermut Peqqissutsimullu Ataatsimiititaliaq Inatsisartut aalajangiiffigisassaattut siunnersuutip suliarineqarnerannut atatillugu sukumiisumik sulisi-manera pillugu qutsavigissavara.

Siunnersuutigineqartumi siunertarinqartut Naalakkersuisut ataatsimiititaliasulli tapersorsor-paat Kalaallit Nunaanilu politimesterimit paasissutissiissutigineqartut tunngavigalugit Naalakkersuisut ataatsimiititaliasulli isumaqarput siunnersuutip piviusunngortinnissaanut tunngavissaqartoqanngitsoq.

Ataatsimiititaliap taarsiullugu Naalakkersuisunut kaammattuutigaa Kalaallit Nunaanni politiit nalunaaruteqartoqarneraniit qisuariarnissap tungaanut piffissamik atorneqartartumik nalunaarsuisalernissaat pillugu Naalakkersuisut danskit oqartussaasuinik oqaloqatiginnernik aallarti-tseqqullugit. Taamaattumik taamatut oqaloqatiginnittarnissat Naalakkersuisut ingerlanniar-paat.

Tamatuma saniatigut siunnersuutip itigartitsissutigineqarnissaanik ataatsimiititaliap inassu-teqaataa Naalakkersuisut tusaatissatut tiguaat.